

秀山志卷之五

豐泉陳竝如亭氏原纂

住僧方畧常安重輯

徒廣作禮三募梓

興修

原始

秀山距金陵不五百里為六朝畿輔地其先名不甚著
自梁昭明太子愛賞流連遂名聞江左既而上帝錫命
士庶翕然從風請衣冠建陵廟為斯文宗主率土福神

秀山志

卷之五

一

名益昭垂今古按明永樂後碑文內開秀山祖殿住基
山場計官山一十八畝四十八步其所包乎山之外者
甚廣正德初郡守白翽燦給二僧看守不及本山之什
一山以外置之不問明末時邑令史鳴皋審判立案至
今成為定憲

紀勝

郡志載秀山疊嶂屏擁烟蘿延蔓其上梁昭明太子嘗
嗜遊焉後人葬其衣冠於此按山在石城郊外延袤十
里許巔岼歷落步步引人入勝秀色可餐山徑闢自田

間由大門樓坵小門樓坵天然雙闕透寶珠墩蓮花塘
至放生池厯池上天仙橋橋下左右二亭子皆儀宸遊
觀盛蹟逾此則寢陵並立規制巍然勝朝諭祭之更衣
亭公應堂皆在其側山麓孔道有亭有庵亭即以秀山
名庵則顏曰高風行李往來彌深仰止山之左插花尖
芙蓉映日龍門崖瀑布飛濤極望則水車嶺也太白詩
秋浦千重嶺水車嶺最奇即此山之右為舊治牧馬處
雍山稽山綿亘如城遠而大士望江諸峰外有豐泉之
亞巴山柱石凌霄及上溪大溪之大祖山小祖山筆尖
秀山志

卷之五

二

山層壘疊聳近則玉鏡潭玉屏山琅崖雪嶺莫不爭奇
競勝以拱茲山之秀焉

廟制

廟創於梁大同三年自陳及隋典祀不絕唐永泰間徙
縣治於今距茲山七十里許因道路阻遠春秋諭祭維
艱遂復建西廟於毘城秀山門外而茲山陵墓所依遂
為祖殿云明以前修者失考逮永樂間山民查應祿徧
募重建蜀人楊志大書秀山福地四牌現存成化中毘
守常公顯增建前殿司徒孫公仁捐橐以襄請有敕賜

秀山祖殿榜之殿門正德初柱史張公廷瑞增修殿後
寢樓亦請有敕賜坊牌嘉靖辛亥新安夏世興特陶巨
甃鼎力重輝萬厯初孝廉孫桴增修祖殿天啓間孝廉
陳以運與庠生孫熙鳳熙斗及張允中相繼修治而相
國丁紹軾為之序明末邑侯史鳴臯聿新殿宇康熙庚
申邑守喻公成龍捐金修葺委孫上卿督工重建文選
樓戊寅廟僧照啟照明又復勉力補苴雍正甲辰合邑
輸忱廟僧通儒糾工建銘德堂於殿左己酉殿前梁折
休邑余大煒捐輸更新乾隆丁丑僧方畧率其徒廣增

秀山志

卷之五

三

募六邑重建大殿

陵考

梁大同三年石城士庶請太子衣冠卜兆於秀山自建
陵後附近居民未聞有去五百步而採樵者太子聲靈
洋洋如在原非漢寢唐陵之沉埋湮沒可比陵不南面
而西向與太子生居東宮坐起恒西向之意適合蓋純
孝格天鍾靈地脉莫之為而為也太子葬安寧陵上元
舊志謂陵在燕雀湖今志又云陵在賈山而歷來方輿
記載皆繫太子陵於貴池是梓宮兆域竟失其真獨此

衣冠一抔土沒世不忘康熙庚申郡守喻公成龍伐石
鼎修封而且樹前有階級可容舞蹈後列屏扆上鐫謚
號康熙庚子郡侯李英又允士民公呈重修鞏固輿情
感戴勒銜於屏扆之左乾隆丙辰郡侯李暉因事拜謁
陵下遂刻石作銘以致欽仰之意

鄉城勝會

聖帝生於九日池俗向以中秋日慶祝即前朝差中使
掛旛諭祭亦於是日後因中使不能奉命惟謹而或有
擾累邑紳孫司徒仁請停其遣檄令府縣正印官躬行

秀山志

卷之五

四

祭享例於每年八月十二日預迎聖駕守令率諸僚屬
詣郭西祠啓聖臺儀鼓樂灑道焚香至祝聖寺駐蹕裝
扮各神敬賽聖會十五日郡邑諸當事齊集致祭十八
日仍如前送回西祠安奉各鄉之聚族而居者報賽時
迎入宗祠張筵演劇或一晝夜或三五日鄉之東曰接
案鄉之西曰朝會各有定期從無更改自秋仲至冬徂
無虛日其敬奉如此

祀產慶置

秀山先年官山旣廣捐輸田畝復多廟祝得以食其餘

利迨牒給二僧看守時山僅什一田無勺土幸食指寥
寥可以托鉢自給邇來沙彌繁衍食指難供相率為耕
鑿計鋤他人田畝者歷有年所始自明成化間孫司徒
仁置香燈田一畝零至康熙丁酉寢陵構訟僧典鬻以
充餼糧雍正二年孫司徒仁後裔率衆復動支宗祠公
帑贖回原田歸之祖殿存廟產之幾希續香烟於欲斷
其功誠不可泯